

Matxoelacarta, Pablo lelpox, Tesalónica paklowaxpijiwliajwa

Pablo lelpox carta, Silvano suapich, Timoteo suapichbej, Tesalónica paklowaxpijiwliajwa

1 Xan Pablo, Silvano suapich, Timoteo suapichbej, lelax ampox carta xamal, naexasitampimliajwa Jesús pejwujajan, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejiwam. Xanal Dios kawujajnax xamal kajachawaesliajwa, chiekal duilaliajwambej, asew jiw suapich.

Tesalónica paklowaxpijiw chiekal xanaboejapox Dios

2 Xanal Dios kawujajnax wut, xamalliajwabej Dios kawujajnax. Ja-an wut, jum-anbej Diosliajwa: “Gracias-an, xam kajachawaetam xot naexasiti Jesús pejwujajan, Tesalónica paklowaxpijiw” —an Diosliajwa. **3** Xanal waj-ax Dios kawujajnax wut, nejcha-xoelx xabich Dios tanbistampoxliajwa, Jesucristo pejwujajan naexasitam xot. Xamal kajachawaetambej asew jiw, japi jiw nej-xasinkam xot. Xamal xabich nabijatam wut, xabich nejxaejwa-el. Ja-am xamal, wujajnawesfulam xot wajpaklon Jesucristo pejme pasliajwa ampathatasik. **4** Takoew, Dios nejxasink xamal. Xanal chiekal matabijax, Dios xamal makanot japon pejiwaliajwam. **5** Xanal majt Jesús pejwujajan, chimiawujajan, xamal naewujajnax wut, naewujajnaxpoxankala-el. Jawutbej koechaxan isaxbej Dios pijaxtat, Espíritu Santo nakajachawaet xot. Samata, xamal chiekal najut matabijam xanal naewujajnaxpoxan, diach chiekal wujajnakolax. Xamalbej chiekal matabijam, ma-an xanal, xamalxot duilx wut. Ja-an xanal jasoxtat xamal kajachawaesliajwan.

6 Xanal ja-an wüt, xamalbej chiekal duilam. Me-ama wajpaklon Jesucristo ampathatat chiekal duk wüt, xamalbej ja-am. Naewñajna x wüt Jesucristo pejwñajan, xamal chiekal naexasitam. Naexasitam wüt Jesús pejwñajan, asew jiw palala xamalliajwa. Samata, japi jiw xabich babijaxan is wüt xamalliajwa, xabich nabijatam. Pe nakiowa, nejchachaemlam, Espíritu Santo xamal kajachawaesful xot. **7** Puexa naexasiti Jesús pejwñajan, Macedonia tñajñapijiw, Acaya tñajñapijiwbej, japi wultaen xamal chiekal duilampox. Samata, japi chiekal duil. Me-ama xamal, ja-aechi. **8** Xamal xabich jiw naewñajnam Jesús pejwñajan. Samata, amwütjel Macedonia tñajñapijiw, Acaya tñajñapijiwbej, japi matabija japawñajan. Potñajñuchanpijiwbej matabija japawñajan. Japibej matabija xamal Dios xanaboexampox. Samata, xanal kaes jümchiyaxinil xamal, Tesalónica paklowaxpijwamlliajwa, japi jümtaeliajwa xamal Dios xanaboexampoxliajwa. **9** Puexa asew jiw, potñajñuchanpijiw, nakaewa najüm-aech xamalliajwa: “Tesalónica paklowaxpijiw chiekal bu'kulapi Pablo, asewbej, japon sñapich, pat wüti japixot. Japibej kofa ídolos kawñajanpoxan. Amwütjel chiekal naexasitlisi Dioskal, pomatkoicha dukpon. **10** Tesalónica paklowaxpijiw wñajñawesful Jesús, Dios paxulan. Japonlap Dios mat-ech pejme dukaliajwa. Japonbej pejme fuloeyaxoek. Jesús nakbu'weyaxael, kastikamatkoi pat wüt. Japamatkoi asew jiw xabich kastikaxaes, xabich babijaxan isful xot” —aech japi jiw xamalliajwa, nakaewa najüm-aech wüti.

**Pablo nabistpox Dios pijax, bichax,
Tesalónica paklowaxpijixot**

2 Takoew, xamal najut chiekal matabijam, xamal poxandax wüt taeliajwan, chiekal naexasitam naewñajna xpo x. Samata, xanal naewñajna xpo x nafa'a-el. **2** Xamal matabijambej ampo x. Patx wüt Filipos paklowaxxot, japapaklowaxpijiw babejjamechan jüm-aech xanalliajwa. Japi jiw is pachaema-elpoxan xanal nabijasliajwan. Do jawux, xanal patx wüt nejtuajñ, Tesalónica paklowaxxot, asew jiw, nejtuajñapijiw, palalapi xanalliajwa. Japi jiw nejchachaemla-el xamal naewñajnalialiajwan Dios pejjamechan. Pe nakiowa, naewñajna x. Naewñajna x wüt, Dios nakajachawaet tajlewla-elaliajwan, xamalbej Dios bu'welialiajwa. **3** Xanal Dios pejjamechan naewñajna x wüt, chiekal naewñajna x

xamal. Kaes asawuajan naewuajna-enil xamal naekichachaj-baliajwan. **4** Xanal Dios namakanot jiw naewuajnalijwan japi jiw bu'weliajwasbej. Xanal ja-an, jiw naewuajnax wut Dios chiekal nejchachaemlaliajwa xanalliajwa. Naewuajna-enil jiw asbuan jumch nejchachaemlaliajwa xanalliajwa. Dios chiekal matabijt xanal nejchaxoelxprovan. **5** Xamal chiekal matabijam. Xan jum-an wut chimiajamechan xamalliajwa, japox jumchi-enil asbuan jumch xamal nejchachaemlaliajwam xanalliajwa. Naewuajnax wutbej, nejchaxoela-enil nejew kinosliajwan. Dios japox chiekal matabijt. **6** Dios pejjamechan naewuajnax wut xamalliajwa, asew jiwliajwabej, xan nejchaxoela-enil: “Xan Dios pejjamechan naewuajnax jiw chiekal nasitaeliajwa” —chi-enil, nejchaxoelx wut. **7** Xamalxotx wut, xabich tato'la-enil isliajwam tato'laxprovan. Xanal Jesucristo pej-apóstolan xot, xajux xamal xabich tato'laliajwan. Pe nakiowa, jasoxtat tato'la-enil. Me-ama kaeow pawis chimiajamechan chiekal jum-aech, paxi fiat wut, xanalbej ja-an, xamal naewuajnax wut. **8** Xabich nejxasinkax xamal. Samata, xamalxotan wut, Dios pejjamechan chiekal naewuajnax. Ja-an wut, xanal nejchaxoelx xamalliajwa: “Asew jiw nabesia wut xanal naewuajna-elaliajwan Tesalónica paklowaxpijw, japox ja-aech wut, nakiowa xanal buxkofaxinil naewuajnaxprovan” —an, nejchaxoelx wut. **9** Takoew, xamal nejchaxoelam wut, chiekal nejchaxoelde, ma-an xanal, xamalxotan wut! Naewuajnafulax wut Dios pejjamechan, xanal tajut nabistaxbej tejew wuajsliajwan. Naewuajna-enil wut, japamatkoi nabistax. Madoibej nabistax. Ja-an xanal, xamal nawemosasamatam xanal nawewe'ppoxan.

10 Xamalxotan wut, chiekal duilx. Asax pachaema-elpox is-enil xamalliajwa, xamal naexasitampimliajwa Jesús pejuwajan. Xamal japox chiekal matabijam. Diosbej japox chiekal matabijt. **11** Xamal chiekal matabijambej, kaenanula xamal naewuajnax kaes chiekal Dios xanaboejalijwam. Me-ama paxjiw paxi chiekal naewuajan, xanalbej ja-an, xamal chiekal naewuajnax wut. **12** To'ax xamal chiekal duilaliajwam, me-ama Dios nejxasink duilaliajwam. Dios xamal makanotbej japon pejiwaliajwam, chiekal matabijaliajwambej, Dios kaes pejme xabich pachaem.

13 Naewuajnax wut Dios pejjamechan, xamal nejchaxoelam: “Dios pejjamechan, japi naknaewuajanprovan, diachwuajnakolax.

Samata, Dios pejjamechan naexasisaxaes” —am, nejchaxoelam wut. Jawut japoxliajwa nejchaxoela-emil: “Japajamechan jiw pajut faekpoxan” —chi-emil, nejchaxoelam wut. Xanal naewuajnajx diachwuajnakolax Dios pejjamechan. Samata, xamal Dios naexasitam xot, chiekal duilafulam. Samatabej, xanal Dios kawuajnajx wut, gracias-an xamalliajwa. **14** Jesús pejwuajan naexasiti, Judea tuajnujpijiw, nabijat nakaetuajnujpijiw, judíos pijaxtat, naexasit xoti Jesús pejwuajan. Xamalbej nabijatam nejtuajnujpijiw pijaxtat, Jesús pejwuajan naexasitam xot. **15** Judíos pejwuajnapijiw bapi profetas. Baxael, japi pamojiw-bej boesapi wajpaklon Jesús. Amwutjelbej japi judíos pijaxtat, xanalbej nabijatax. Japi judíos nejwesla puexa asew jiw. Samata, Dios nejchachaemla-el japiliajwa. **16** Xanal Dios pejjamechan naewuajnajx wut asew jiw, judíos-elpi, japibej Dios bu'welijwas, judíos asbu'an jumch nabuxfiat. Ja-aech wut, japi judíos xabich pejbu'wuajan Diosliajwa. Samata, Dios xabich kastikaxaespi.

Pablo nejchaxoelpox pejme taeliajwa Tesalónica paklowaxpijiw

17 Takoew, xamalxot majt nakolax wut, xabich piach xamal tae-enil. Pe nakiowa, xamal nejkiowa-enil. Nejchaxoelx pejme xamal taeliajwan. **18** Xan, Pablo, pin-iaveces xamal taesian. Pe Satanás pachaema-elpoxan is xot xanliajwa, xamal taeyaxinil. **19** Wajpaklon Jesucristo pejme pask wut, xanal xabich nejchachaemlaxaelen. Japon jumtaeliajwa xan jumchiyaxaelen xamal chiekal naexasitampoxliajwa, naewuajnajx wut chimiawuajan, japon pejwuajan. **20** Samata, xabich nejchachaemlax xamalliajwa.

3 Xan kaes boejtaliasaxinil matabijsliajwan, ma-am xamal, amwutjel duilam wut. Samata, xan, Silas suapich, Atenas paklowaxxot kaweta namax. **2** Xanal ja-an wut, wajkoewan Timoteo to'ax xamal taeliajwapon. Japon nabist Diosliajwa. Xan, japon suapich, jiw naewuajnajx chimiawuajan, Jesucristo pejwuajan. Timoteo to'axbej xamal naewuajnalialjwa kaes Dios xanaboejalajwam, chiekal nejchachaemlaliajwambej. **3** Samata, Timoteo to'ax xamal kajachawaesliajwa, xamalxot kaen nejxaejwas wut, asew jiw pijaxtat nabijat wuton. Xamal najut matabijam, Dios naktapaei nabijasliajwas. **4** Xamalxotx wut, chajia jum-an: “Asamatkoi xatis nabijasaxaes asew jiw pijaxtat,

Jesús pejuwajan naexasich xot” —an xamalliajwa. Amwütjel xamal chiekal matabijam, ja-aech xotliso xatisliajwa. **5** Kaes boejtaliasaxinil, chiekal matabijsasian xot, ma-am xamal, duilam wüt. Samata, Timoteo to'ax xamal taeliajwapon, ma-am xamal, Dios xanaboejam wüt. Xanlach nejchaxoelx ampox xamalliajwa: “Satanás bej xapaejasbej Tesalónica paklowaxpijiw. Samata, bej kofabejpi naexasitpox Jesús pejuwajan. Samata, wajbichax japixot nakwenafo'a” —anlach, nejchaxoelx wüt xamalliajwa.

6 Pe Timoteo nawia'an wüt xamalxotdin, chimiawuajan xapaton. Xamalpil nakiowa chiekal naexasisfulam Jesús pejuwajan. Nakaewa chiekal nanejxasinkambej. Xamal nejkiowa-emilbej nejchaxoelaliajwam xanalliajwa, nanejxasinkam xot. Xamalpil xabich xanal nataesiam. Me-ama xanal xabich xamal taesian, xamalpil-is ja-ambej xanalliajwa. **7** Takoew, a sew jiw pijaxtat xanal nabijatax wüt, wultaenx xamal chiekal Jesús pejuwajan naexasisfulampox. Samata, xabich nejchachaemlax xamalliajwa. **8** Wultaenx wüt Jesús pejuwajan chiekal naexasisfulampox, xanal kaes Dios xanaboejax. **9** Samata, xanal Dios kawuajnx wüt, gracias-an xamalliajwa. Nejchachaemlaxbej xamalliajwa, Dios chiekal xanaboejam xot. **10** Xanal xabich Dios kawuajnx natapaeliajwapon xamal pejme tajut chiekal taeliajwan. Xamal pejme naewuajnasian kaes pejme matabijaliajwam, kaes pejme chiekal Dios xanaboejaliajwam.

11 Xanal kawuajnx waj-ax Dios, wajpaklon Jesucristobej, nakajachawaesliajwa xamal taeliajwan. **12** Dios kawuajnxbej xamal kajachawaesliajwa nakaewa nanejxasinkaliajwam, puexa a sew jiwbej, me-ama xamal nejxasinkax, xamalbej jachiliajwam, a sew jiwliajwa. **13** Dios kawuajnxbej xamal kaes Dios xanaboejaliajwam, babijax isasamatambej, duilam wüt. Ja-am wüt, bu'wuajanjilaxaelam, asamatkoi, waj-ax Dios pejuwajnalel nuilam wüt, wajpaklon Jesús kaxasik wüt, puexa pejjiw suapich.

Machiyaxaelpox Jesús pejuwajan naexasiti chiekal duilaliajwa, Dios nejchachaemlaliajwa japiliajwa

4 Takoew, xanal chajia xamalxotan wüt, naewuajnx machiyaxaelampox, duilam wüt Dios nejchachaemlaliajwa xamalliajwa. Amwütjel chiekal duilam. Pe nakiowa, wajpaklon

Jesús nato'a xot, kaes naewuajnaaxaelen xamal kaes chiekal duilaliajwam.

2 Xamal matabijam, chajia xanal naewuajnaax wut wajpaklon Jesús pijaxtat, machiyaxaelampox, duilafulam wut. **3** ¡Xamal duilafulde, me-ama Dios nejxasink duilaliajwam! Dios nejwesla xamal poejwam bu'moejsliajwam asew watho'. Dios nejweslabej watho' bu'moejsliajwa asew poejiw. **4** Dios nejxasink kaenanula xamal poejwam matabijaliajwam ampox. Pawis fitam wut nijowliajwa, ¡nijowxot chiekal laelpde, me-ama Dios nejxasink! **5** Pawis fitam wut nijowliajwa, ¡nabej fis asbuan jumch japow pijaxkal nejxasinkaliajwam! Me-ama asew jiw, naexasis-elpi Dios, ¡nabej ja-aeché' xamal! **6** Dios nejwesla aton bu'moejsliajwa asan pijow. Japox is wut, japon aton Dios xabich kastikaxaesón. Japoxliajwa chajia xamal naewuajnaax, xamalxotan wutfuk. **7** Dios nakmakanot wut, nakmakanos-el isliajwas babijaxan. Dioslax nakmakanot chiekal duilaliajwas japonliajwa. **8** Asew jiw naexasis-el xanal naewuajnaaxpoxan. Japi japoxan naexasis-el xot, naexasis-elbejpi Dios, japon to'apon Espíritu Santo xatis nakkajachawaesliajwa.

9 Xamal nakaewa nanejxasinkam, Dios pajut xamal kaja-chawaet xot. Samata, lelaxinil xamal to'aliajwan nakaewa nanejxasinkampoxliajwa. **10** Xamal nejxasinkam puexa wajkoew, Jesús pejwuajan naexasiti, potuajnuchapijiw, Macedonia tuajnupejwiw. Amwutjel xamal jum-an kaes nejxasinkaliajwam japi jiw. **11** ¡Chiekal duilafulde! Chajia jum-an xamal chiekal nabichliajwam. Samata, ¡najútej nejbichaxan nabichfulde! ¡Nabej xandadus, asew jiw pijaxan! **12** Xamal japoxan isfulam wut, kaeyax wewe'paxil. Ja-am wut, asew jiw, Jesús pejwuajan naexasis-eli, xamal chiekal sitaeyaxael.

Wajpaklon Jesús asamatkoi pejme pasaxoekpox ampathat

13 Takoew, xanal nejxasinkax xamal chiekal matabijaliajwam, machiyaxael jiw tupiliajwa. Kaen nejjiwxot, tup wut, xamal xabich nejxaejwaxillejen. Me-ama asew jiw, naexasis-eli Jesús pejwuajan, pejjiw tup wut, xabich nejxaejwas, ¡xamal nabej ja-aeché', najut chiekal matabijam xot! **14** Xatis naexasich Jesús tuppox cruztat. Naexasichbej Jesús Dios mat-echpox pejme dukaliajwapon. Samata, chiekal matabijas, xatis naexasichpis Jesús pejwuajan asamatkoi tups wut, diachwuajnakolax Dios nakmat-eyaxael pejme duilaliajwas.

15 Samata, xanal lelx Jesús chajia jum-aechpox. Asamatkoi japox diach chiekal jachiyaxael. Xatis ampathatat laelpaspisfuk Jesús pask wut, xatis matxoela fulaeyaxisal Dios poxase. Matxoelatupi, japilax, matxoela fulaeyaxael Dios poxase. **16** Japamatkoi, Jesús fuloeyaxoek wut, Dios pej-ángelespaklon pinjametat nejlakchaxael. Do jawut, Dios pejtrompeta nejmesaxael. Jawut wajpaklon Jesús fuloeyaxoek. Jiw tupi, naexasiti Jesús pejwujajan, matxoela mat-eyaxaes pejme duilaliajwa. **17** Do jawut, xatis, Jesús pejwujajan naexasichpis, ampathatat laelpas wutfuk, wajpaklon Jesús nakbuflaeyaxoi Dios poxase, mat-iaspi suapich, jaxotse pomatkoicha duilaliajwas. **18** ¡Puexa xamal nejchachaemilde, nakaewa nanaewujajnam wut ampawujajan!

5 Takoew, xanal ampox lelx wut, lela-enil jumchiliajwan: “Japamatkoitat Jesús pasaxoek” —chiliajwan. Japon asamatkoi pajut chiekal pasaxoek. **2** Xamal chiekal matabijam wajpaklon Jesús asamatkoi pejme pasaxoekpox. Chalechkal pasaxoekon, jiw japox nejchaxoela-el wut. Me-ama kithakan madoi chalechkal pat wut, jachiyaxael, wajpaklon Jesús chalechkal pasaxoek wut. **3** Jiw jum-aech wut: “Potuajnuha chiekal wujajan ajil. Puexa jiw nejmach chiekal duil” —aech wuti, jawut chalechkal Jesús pejwujajan naexasis-eli Dios kastikaxaes. Me-ama pawis xabich wexaenks naxwulaliajwa wut, jachiyaxaelbej jiw, naexasis-eli Jesús pejwujajan, xabich kastikaxaes wut. Japi jiw xabich nabijasaxael. **4** Takoew, xamal, me-ama asew jiw, naexasis-eli Jesús pejwujajan, ¡nabej ja-aeché! Japi pejnechaxoelaxan, me-ama itkua'nik, babijaxan is xot. Xamal wujajnewetam wajpaklon Jesús pasaxoekpox athulelsik. Japamatkoitat fuloek wuton, ¡xamal nabej belwe! Me-ama kithakan chalechkal pat wut, jiw beljow, ¡xamal nabej ja-aeché!, Jesús chalechkal pasaxoek wut! **5** Puexa xamal Jesús pejiwam xot, itliakaxpijwam. Itkuataxpijwa-emil. **6** Samata, Jesús pejiwam xot, chiekal nejchaxoelaxaes babijax isasamatas. Me-ama asew babijaxan is, xatislax jachiyaxisal. **7** Madoi jiw moejt. Jiw saxtaspi, japi madoi saxtas. **8** Xatis itliakaxpijwas xot, wajut chiekal natataeflaxaes babijaxan isasamatas. Kaes naexasisaxaesbej Dios pejjamechan, Satanás nakmalechasamata. Nakaewa nanejxasinkaxaesbej. Dios xanaboexaxaesbej nakbu'welialjwa. **9** Dios xatis nakmakanot wut, nakmakanos-el nakkastikaliajwa. Nakmakanotlax nakbu'welialjwa wajpaklon Jesucristo pijaxtat.

10 Jesucristo t̄ap xatis nakb̄u'weliájwa. Samata, Jesús pejme f̄uloek w̄ut, xatis amp̄athatat laelpaspisf̄ak, o, t̄aps w̄utbej, jaw̄ut Jesús puexa xatis nakb̄uflaeyaxael duilaliajwas japonxotse. **11** Xamal nakaewa nanaew̄uajnampoxlis nejchachaemlaliajwam, kaes Dios xanaboejaliajwambej, ¡japoxlap xamal nakaewa nanaew̄uajnaf̄ulde!

Pablo pejme naew̄uajanpox naexasiti Jesús pejūwajan

12 Takoew, xamal j̄um-an sitaeliajwam nabisti Diosliajwa xamalxot. Japi Dios makanoch xamal tataeflaliajwa, naew̄uajnalialjwabejpi Dios pejjamechan. **13** ¡Japi jiw chiekal sitaem! ¡Nejxasinkdebej, nabist xoti Diosliajwa! Duilam w̄ut, ¡chiekal duilaf̄ulde, asew jiw s̄uapich!

14 Takoew, xamal to'ax jiw kiwecha nabichax to'aliajwam. Jesús pejūwajan naexasiti, nejchaemil w̄ut, ¡japi jiw naew̄uajande nejchachaemlaliajwa! ¡Kajachawae'ebej jiw Dios xanaboejapox chiekal mamnika-elpi, kaes chiekal Dios xanaboejaliajwa! Asew jiw xamal taliat w̄ut, ¡kamta nabej nalale'!

15 Asew jiw babijaxan is w̄ut xamalliajwa, ¡xamal chiekal taem babijaxan isasamatam japi jiwliajwa! ¡Xamallax isf̄ulde pachaempoxan nakaewaliajwa, puexa asew jiwliajwabej!

16 ¡Pomatkoicha nejchachaemildebej! **17** ¡Dios kaw̄uajandebej pomatkoicha! **18** ¡Diosliajwa gracias-amdebej puexa Dios ispoxanliajwa xamalliajwa! Japoxlap Dios xabich nejxasink xamal j̄umchiliajwam, naexasitam xot Jesucristo pejūwajan.

19 Esp̄iritu Santo xamal to'a w̄ut isaxaelampox, ¡japoxliajwa nabej nejchaxoele': "Xan japox isaxinil" —nabej aeche', nejchaxoelam w̄ut! **20** Profetas j̄um-aech w̄utbej asamatkoi jachiyaxaelpoxliajwa, ¡xamal nejchaxoelam w̄ut, nabej nejchaxoele': "Japox asamatkoi diachw̄uajnakolax jachiyaxil" —nabej aeche', nejchaxoelam w̄ut! ¡Profetas naew̄uajanpoxanliajwabej nabej j̄um-aechel': "Japi naew̄uajanpoxan, Dios b̄uxto'aspoxana-el" —nabej aeche'! **21** ¡Profetas j̄um-aechpoxan xamal majt chiekal xapaejam Dios pejjamechantat! Do ja-am w̄ut, xamal chiekal matabijaxaelam. Do jaw̄utbej, ¡j̄um-amde: "Diachw̄uajnakolax japi Dios b̄uxto'as naew̄uajnalialjwa japajamechan" —amde, nejchaxoelam w̄ut! Do jaw̄ut, ¡japi chiekal naexasi'e! **22** ¡Puexa pachaema-elpoxan nabej is! ¡Puexa babijaxan ispixot xamal at̄uajimbej!

23 Dios, xabich pachaempon, ¡japon pajut nej kajachawaes xamal chiekal duilaliajwam, is-elaliajwambej babijaxan! Dios xamal kajachawaet wut, xamal xabich pachaemaxaelam, wajpaklon Jesucristo pasliajwa wut. **24** Jasoxtat Dios kajachawaesaxael, xamal makanot xoton japon pejjiwaliajwam. Isaxaelbejpon puexa chajia jumdutpoxan.

**Pablo to'apox naexasiti Jesús pejwujajan nakaewa
nasaludaliajwa, Tesalónica paklowaxpijw**

25 Takoew, ¡xamal Dios kawujande xanalliajwa!

26 ¡Jesús pejwujajan naexasitampim, nakaewa chiekal nasaludam!

27 Dios pijaxtat xamal to'ax ampox carta chanaexaljoe-
liajwam puexa wajkoew, Jesús pejwujajan naexasitiliajwa.

28 Xan wajpaklon Jesucristo kawujajnax xamal xabich kajachawaesliajwapon.